



TOSHKENT DAVLAT YURIDIK UNIVERSITETI REKTORINING BUYRUG‘I

26.10.2023

635-tm-son

Talabalarga hayfsan e‘lon qilish to‘g‘risida

Bugungi kunda universitetda zamonaviy xalqaro standartlarga javob beradigan yuqori malakali yuridik kadrlarni tayyorlash maqsadida talabalarni ma‘naviy-axloqiy tarbiyalash, huquqiy madaniyati va ongini oshirish bo‘yicha samarali tizimni yaratish, ularda yuksak ma‘naviy-axloqiy fazilatlarni shakllantirish hamda rivojlantirish maqsadida bir qator kompleks chora-tadbirlar amalga oshirilmoqda.

Shunga qaramasdan ayrim talabalar tomonidan universitet Odob-axloq kodeksiga rioya qilmaslik yoki mensimaslik holatlari kuzatilmoqda. Jumladan, Toshkent davlat yuridik universitetining Odob-axloq kodeksi bilan tanishtirilganligi, dekanat xodimlari tomonidan bir necha bor eslatmalar, tushuntirishlar va ogohlantirishlar berilishiga qaramasdan Xususiy huquq fakulteti 1-kurs talabasi Nematov Nodirbek Kimsanali o‘g‘li, 2-kurs talabasi Xoliyorov Jahongir Baxrom o‘g‘li, 3-kurs talabalari To‘xtapo‘latov Abduvohid Abdumalik o‘g‘li, Abdullayev Abdulaziz Azizxon o‘g‘li, Saribayev Dilshodbek Azizbek o‘g‘li, Jabborov Nurmat Shuhrat o‘g‘li hamda 4-kurs talabasi Abdullayev Sarvarbek Burxonjon o‘g‘li dars mashg‘ulotlariga belgilangan tashqi ko‘rinish talablariga rioya qilmasdan soqoli o‘sgan holatda, shuningdek, 3-kurs talabasi Ashiraliyev Shohrux Sherali o‘g‘li belgilangan kiyinish qoidalariga rioya qilmasdan kelgan. Holat yuzasidan tushuntirish xatlari olingan.

Talabalar mazkur harakatlari bilan Toshkent davlat yuridik universiteti Odob-axloq kodeksi 12-moddasining (Universitetda kiyinish va tashqi ko‘rinishga oid qoidalar) oltinchi bandida nazarda tutilgan talablarni buzgan. Yuqoridagilarni inobatga olgan holda, Oliy ta‘lim to‘g‘risidagi nizom (ro‘yxat raqami 1222, 2003-yil 22-fevral) 51-bandi va Toshkent davlat yuridik universiteti Odob-axloq kodeksining 12-moddasiga asosan

BUYURAMAN:

1. Universitet Odob-axloq kodeksining 12-moddasi talablarini buzganligi uchun universitetning Xususiy huquq fakulteti 1-kurs talabasi Nematov Nodirbek

Kimsanali o'g'li, 2-kurs talabasi Xoliyorov Jahongir Baxrom o'g'li, 3-kurs talabalari To'xtapo'latov Abduvohid Abdumalik o'g'li, Ashiraliyev Shohrux Sherali o'g'li, Abdullayev Abdulaziz Azizxon o'g'li, Saribayev Dilshodbek Azizbek o'g'li, Jabborov Nurmat Shuhrat o'g'li hamda 4-kurs talabasi Abdullayev Sarvarbek Burxonjon o'g'liga hayfsan e'lon qilinsin.

2. Fakulteti dekani (B.Musayev) ushbu buyruq bilan talabalarni tanishtirsin; mazkur holat va shu kabi qoidabuzarlik ushbu talabalar tomonidan takroran sodir etilsa, talabalar safidan chetlashtirish mumkinligi to'g'risida ogohlantirsin; mazkur talabalarning shaxsiy hujjatlar yig'majildiga buyruq nusxasi tikilishini ta'minlasin.

3. Fakultet dekanlari 3 kun muddatda mazkur buyruq bilan qo'llanilgan intizomiy jazo chorasini talabaning shaxsini sir saqlagan holda talabalar o'rtasida shu kabi holatlar takroran sodir etilmasligi, ularda dars mashg'ulotlari hamda professor-o'qituvchilarga bo'lgan hurmatni shakllantirish maqsadida barcha talabalar e'tiboriga yetkazish choralari ko'rsin.

4. Mazkur buyruq bajarilishini nazorat qilish Yoshlar masalalari va ma'naviy-ma'rifiy ishlar bo'yicha birinchi prorektor A.Xashimhonovga yuklansin.

Rektor v.v.b.



I.RUSTAMBEKOV

Toshkent shahar

Kiritildi:

Dekan (fan doktori yoki fan doktori
(Doctor of Science) ilmiy darajasiga
yoki xorijiy davlatlarning unga
tenglashtirilgan boshqa ilmiy
darajalariga yoki professor ilmiy
unvoniga ega bo'lgan)

B.MUSAYEV

**Kelishildi:**

Yoshlar masalalari va ma'naviy-
ma'rifiy ishlar bo'yicha birinchi
prorektor

A.XASHIMHONOV



Direktor

SH.PO'LOTOV



Katta yuriskonsult

A.TURSUNOV

